

福建府縣志輯

中國地方志集成

民國順昌縣志
道光重纂光澤縣志
乾隆寧德縣志

中國地方志集成

福建府縣志輯⑪

民國順昌縣志

道光重纂光澤縣志

乾隆寧德縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯·11, 民國順昌縣志、
道光重纂光澤縣志、乾隆寧德縣志 / 上海書店出版社編.
上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-順昌縣③地方志-福建-光澤縣④地方志-福建-寧
德縣 IV. K29

中國版本圖書館CIP數據核字(2000)第27760號

重修順昌縣志序

甚矣事之興廢有特于時尤有特于人也順志自遠清道咸以來雖修凡
三次而皆未果民國成立設局定總分纂歷五寒暑而又中輟今民政廳
廳長邑紳高公少航以乙亥倡修迄丙子仲春入閱月而書成凡所徵采
必詳且要視舊志約倍增焉予以丙子十月奉 命蒞茲上平日嘗建朱
晦翁蒞官之地必先修志之言實實州縣宜立志科之議時事包德方
愧未能躬踐今竟坐觀厥成斯不獨為斯邑文獻慶其有徵更願資為治
鑑與後之君子互有觀感益果于情時趨事也然則是書之成所關抑豈
鈔哉是為序

權縣長事長樂李世慶謹識

順昌縣志

序

重修順昌縣志序

國之有史邑之有志由來久矣讀國史而詳時代之盛衰覽邑乘而知風
俗之文野其義一也順邑古揚州地設縣始於後唐典章文物紀載邑乘
彰彰可考唯自前清道光十二年修訂之後迄今近百年矣其間屢議重
修均未著手祇從舊本翻印而已民國成立省設通志局檄各屬修纂邑
志順昌由邑紳 高魚門先生任總纂治 魚門先生作古而吳杏南
省吾先生繼之均未告厥事先後逝世 於民國二十二年冬權攝順
篆冀覘文化搜索舊志竟不可得正與邑紳陳席珍先生教育會吳幹事
如淵教育科葉科長界閩倡議興修通志科長界陶承 高少航廳長之
命在省聘訂總纂所有近年來地方治亂事狀及節義姓氏應重加採訪
回順商訂於余余曰嘻邑志之曠修迄今垂二十年卒因人事之變遷未
能竣事今 少航廳長繼 魚門先生之志慨任仔肩余忝膺茲土敢不

順昌縣志

序

負責遂與教育會吳幹事商聘各區採訪人員重探事實並捐俸為倡用
備梨棗之資越八閱月全書告成竊慰私衷因為之序

權縣長事合肥潘先龍

重修順昌縣志序

順志失修已百有餘載矣昔先君子嘗集鄉前輩倡議續修卒以兵燹之後財殫力痛僅覓原本鏤板以待即今所存道光壬辰舊志是也民國初年大府有重修福建通志之舉維時吾邑亦曾設局推先兄魚門為總纂事幾成矣不幸先兄棄世因又中輟稿亦隨毀於寇去夏余忝縮閩省民政方召集各縣志書以資考鏡願本邑自道咸以後百有餘年間典章制度與革損益紀載闕如於心殊耿耿因就省教聘劉龍生先生專任編纂並由邑侯潘君先龍遴選在邑諸紳分任採訪自乙亥孟秋迄丙子仲春八閱月全書告成余受而讀之繹其義例蓋區分圖志表傳四體即土地人民政事三大部而別為二十有二門門各繫若干目將舊志所缺者補之繁者刪之訛誤者訂正之湮沒者表章之關於本邑文獻尤孜孜搜載靡遺以視舊本約增一倍之多是向之議修惟恐無成者今

順昌縣志

序

竟有成矣抑吾嘗聞子朱子之言蒞官之地必先修志是修志邑侯事也倘闕而弗備民情風土先無所考徵即欲興利除弊恐措施亦不能悉當乃今之司牧者既勞於簿書錢穀之繁復顧及征權考成之重而又遠調靡常久任者鮮視官幾同傳舍自無暇議及紀載之替此固事勢所無如何者也夫方志為國史要刪設歷久不修文獻無徵即無以供史官之採擇所繫豈獨在一邑之大必思有法以處此善夫章實齋之議白州縣之志不可取辨於一時平日當於諸典史中特立志科僉與吏之精明於文法者以充其選而且立為成法俾如法以紀載略如奏牘之公式焉則無妄作聰明之弊矣積數十年之久則訪能文學而通史裁者筆削以為文書所謂待其人而後行也如是又積而又修之於真不勞而功效已為文史之備所不能及所謂政法亦存三代文章之遺制也設良有司做其法而行之何至始則因繁難而自阻終則致久遠而莫稽遂使方志一書竟

視為可有可無之數豈非大痛心之故也哉茲特表而出之以資當世關心民瘼之君子

中華民國二十五年丙子春二月邑人高登艇謹序

順昌縣志

序

（此處為正文內容，因字跡模糊，無法完整辨識，僅能辨認出部分文字如“民瘼之君子”等）

重修順昌縣志序

余杜門謝客不問世事久矣乙亥孟秋今 省府長民政高君少航忽以書來聘修順昌縣志既又枉駕敦促且曰斯事繁重非余莫屬余以高君尊南西航先生曾入福建通志孝義傳述其生平見義勇為每遇邑有善舉輒肩任不倦惟恐後人今高君縮民政百為待理日昃不遑猶能繼承先志深以邑志不修為憾因不欲固辭竊維方志為國史要刪凡土地人民政事瑣筆所及動關典要倘疎而弗備冗而弗精誕而弗信奚所取裁順志失修已百有餘載且經咸豐戊午髮逆屠城典籍散失文獻無徵即所存道光舊志體例不一亦書缺有闕病不能詳夫順昌介西江東廣之衝為延屬望邑山川秀麗篤生高峯槎溪兩先生前後羽翼龜山紫陽振興儒教元明以降亦代不乏人若任其湮沒不彰何足表前徽而勵後起余既承乏茲役不惜竭燭餘光旁搜載籍凡有闕文獻者悉錄出以資

順昌縣志

序

採輯即零文隻字足為佐證者亦吉光片羽視之至晚近興革損益則根諸邑紳採訪所錄依序編入約八閱月成書二十有八卷雖不敢謂無遺無濫然於徵典責真錄事實之意未嘗不兢兢焉慨順志自道咸以後庚辰辛巳癸未凡三次續修而卒不果鼎革後且局宇宏開矣總分纂亦羅致有人矣乃五易寒暑復以時局依擾人事變遷稿未脫而中輟蓋若斯之難也今余以衰朽之年幸得歲事或亦冥冥中不欲使一邑之典章文物歷久廢墜幸斯土者無所考鏡以取法生斯土者無所觀感而興起一髮千鈞之繫有以獻相之不至終於無傳也然則後之人當思成事之不易及時而續修無負高君提攜之盛意尤不佞所厚望也夫

中華民國二十五年丙子仲春古閩劉毅撰時年七十有二

是書成首捐俸任刊版者 縣長潘君先龍也任採訪者邑紳黃君

陳福吳君鳳翔盧君永貴蔡君偉均張君興祿高君金龍陳君克厚徐君建侯王君世模也總其事者吳君爵深也始從惠者葉君樹榕吳君聯棟也亦皆邑紳也又識

順昌縣志

序

Blank space for the main body of the preface or other text in the second page.

此次重修邑志於廿四年冬全部竣稿中因手民展轉時閱兩寒暑始印成帙又邑志修自清道光十三年歷百有餘載光緒中葉雖重付梨而一仍其舊閱時既久更變尤多致今之任採訪者感文獻之難徵慮闕遺之不免補綴之責宜俟將來抑更有言者廿五年夏大府劉建猷之上洋區改隸吾邑設一特種區因修纂已成未及增編僅于輿圖中加入以待後之作併附于此志憾事亦備志也

邑人高登艇跋

順昌縣志

卷

順昌縣志凡例

順昌縣志重修於清道光壬辰迄今百有餘年其間經迭次續修皆不果而所存道光舊志又多前後混淆闕而弗備茲編另立體例更搜羅載籍摭摭舊聞全書計分二十有二門爲目百四十有一

順昌改隸致淳熙三山志係後唐長興四年舊志疆域沿革表誤入唐格又攷入閩通志以縣境屬小割劍浦之交溪鄉以益之係宋熙寧三年沿革表又誤入元格今併改正

志書莫重於圖說蓋圖以說詳說以圖顯互著之義也舊志僅照古式繪圖並無里數可考未免簡略今依民國十七年實測福建省全圖參以教育部審定中華最新形勢圖準經緯度開方計里詳繪一圖加以說明以便觀覽其餘各圖併附於後

舊志 聖廟不入祠祀入學校意在尊崇 先師當也竊謂際茲 聖教

順昌縣志

凡例

陵夷禮樂廢墜之日凡屬典章制度尤應誌載加詳以資觀感茲編於臚列從祀諸賢之外並及歷代崇祀本末義各有取李元仲甯化志已關於先非創例也

表之爲體縱橫以分經緯蓋有同經異緯參差不齊非尋常行墨所能清晰者必藉表以明之上自史漢下逮方志無不皆然舊志職官選舉既

有題名殊非古法茲編皆改作表悉按年代比類而書其無年代可考者仍依序列名以便省覽惟中有子目簡單無煩藉表以明者則從舊志題名於後

凡官斯土有政績可徵者謂之名宦舊志竟將入祀名宦祠之清總督范承讓巡撫李斯義提學沈涵布政金培生分巡延建邵道黃道行五人與本邑職官錢嘉倫並入名宦傳殊失體裁今依乾隆府志舊例將范承讓等五人謹載於本志名宦祠中用識不忘名宦傳則專載本邑職

官以免主客相混又宋吳遵係本邑職官舊志名宦有傳而職官又無名今併補入

名宦有傳即因其有政績而傳之也舊志於名宦之外復增宦蹟一目於職無取今刪去統稱名宦以免複雜

凡志選舉最重年代科分按舊志宋代選舉自丁巳至壬午係紹興皆誤作乾道自戊子至辛卯係乾道又誤作淳熙府志不察亦以誤傳誤今悉依紀元編改正又攷明羅環重建儒學記云順昌在宋祥符乾道間

由鄉薦者百二十有九人今按舊志選舉所列自靖康丙午迄乾道辛卯宋鄉舉僅九十七人靖康以上尙有三十二人府縣志均缺不載茲得補列者二十有五人惟無科分可考餘七人無從補列應俟續考

一代設官取士典章所繫考究不厭求詳舊志於職官僅載官名不及官制於選舉又略前代祇詳本朝未免美猶有憾茲編則依高氏志例於

順昌縣志

遺者增之缺者補之俾源流沿革展卷瞭然誰謂通制無關一邑可置不問也

舊志人物祇有列傳並未分門意在慎重惟考之省志府志順邑人物有數百年前已入儒林苑忠烈孝義循吏各門專傳者後之從事重修

若仍統歸列傳於義何取茲編於省府志已有專傳者則依類分之所學士及各行分列兩目然按其事蹟多寡其無專傳及新增按其事蹟不得遺而兼錄今依省志合併第一類為孝義

分者統歸列傳庶於慎重之中寓鑒別之意至舊志以人物標目亦非古義即標以人物之類今則刪去概稱列傳亦遺史法近依志例非好為

紛更也

舊志將古蹟名勝詳異宅墓統歸拾遺志殊嫌未當詳異亦大事不得為拾遺即古蹟名勝宅墓彰彰在人耳目亦不應為拾遺今將詳異附兵

事志古蹟列名勝志宅墓附焉例應如此非故異也

舊志又將祠廟寺觀隱逸方技儒術仙釋並列於方外志亦嫌不倫致方外二字本於莊子今謂僧道曰方外仙釋或近之與隱逸方技無涉與祠廟寺觀更無涉今將隱逸方技入列傳儒術附焉祠廟附祠祀志寺觀列名勝志以類相從亦非故異也

國之大事在祀與戎局頒志例兵事稱大事固也然祠祀又另志義亦未安順昌自咸同以來迭受匪禍皆武備不修所致征播更不足言茲編亦不從舊志稱武備志直稱兵事志以詳異附之

班史藝文志僅載篇目近代志書多類輯詩文記序直如文選殊非志體今依章氏志例將原有詩文及新搜集者分附於各門本事本人之下無可附者不忍割棄另編文徵附於志後於藝文志獨存書目加以提要更於舊志所遺者補之所無者增之庶文選志乘義例各別免貽燕

雜之譏

順昌縣志

舊志每門必冠小序然分門別類義取大同無須複述故選刪不用其別有說者則於卷末加按語或子目下以小字注明之近代嘉興縣志闕

候輯志已有先例今從之

舊志徵引簡籍均不載書名殊失徵典實真錄事實之意今依舊志例悉注書名於下中有本於舊志無從考出書名者但注舊志二字其由

採訪所得者則直書據採訪冊以免相混

前志紀載頗費搜尋檢對之力茲將舊志卷帙目錄作者姓氏錄入藝文志又將全書子目並歷來重修重刊之舊序統附卷末庶使閱者知淵

源有自亦以寓表揚之意云爾

順志失修已久其間又迭遭兵燹名人載籍散失殆盡殊有文獻無徵之憾茲始從事編輯實較他邑為難况期間既迫採訪又不能詳恐難免遺候補缺訂訛應俟後之君子

志書版式全書頂格意取古雅今依通行志書版式每項第二行均低一格但取便於編閱醒目意各有在閱者諒之

順昌縣志

凡例

四

順昌縣志目錄

卷首

圖說

方城圖 縣治圖 學校圖 文廟圖 武廟圖

卷一

方域志

沿革 疆界 歷代疆域沿革表 形勢 星野 總緯度 氣候 太陽出入時刻表

卷二

山川志

山峯 崖 湖 池 溪 泉 石 谷 湖

卷三

城市志

城池 坊 巷 街 市 墟 埠 郵局附

卷四

名勝志

古蹟 名區 寺 塔 宅 墓

卷五

順昌縣志

目錄

水利志

陂 渠 井 橋 渡

卷六

物產志

穀類 蔬類 果類 藥類 木類 竹類
花類 草類 畜類 毛類 羽類 絲類
介類 蟲類 貨類

卷七

戶口志

明戶口數 清戶口數 民國戶口數
普壽附

卷八

賦稅志

明賦稅 清賦稅 經費 民國田賦 雜稅
經費 十三庄附 鹽政

卷九

惠政志

會館 善濟堂 養濟院 惠民藥局 育嬰堂
義塚 歷代捐賑

卷十

建設志

衙署 公所 驛站 郵電 坊表

卷十一

學校志

舊學 文廟 歷代崇祀記要 釋奠禮 釋菜禮
學田 書院 社學 射圃 新學校一覽表

卷十二

詞祀志

供祀 表祠附

卷十三

禮俗志

風尚 歲時 近年習尚 冠婚喪葬祭

卷十四

兵事志

歷代兵制 國器 歷代兵事 祥異附

卷十五

職官表

明以前職官表 明職官表 清職官表
清武職職官表 民國職官表 民國駐防軍
警備隊 附教育會商會農會工會各會
長 郵政局長

卷十六

順昌縣志

目錄

二

名宦傳

卷十七

選舉表

歷代選舉表 歷代薦辟 清康熙方正 諸站環
局議員 民國衆議院省議會議員 各學校學
業生 歷代封贈 歷代旌獎 明年特清
績軍功 職銜 民國勳章牌敘 按例附

卷十八

列傳

忠烈 名臣 儒林 文苑 循吏

卷十九

列傳

孝義 隱逸 循衛 方外 貧富

卷二十一

列女

貞烈

卷二十二

列女 節孝

卷二十三

藝文志

卷二十四


雜錄 舊序 舊志子目並纂修姓氏
後附文徵四卷

順昌縣志

目錄


三

順昌縣方域圖




按方時與圖多以其為之既無標準度又不辨方針里數雖屬最近
 人新志願求改良然僅得坊刻其圖摹仿舊圖於卷首似亦不便省
 覽茲圖則依據前清季年測量局所繪精確全圖分設其圖繪小並參
 以民國十七年實測繪建省全圖及教育部審定中最新形勢圖準
 經詳度測方針里數使繪圖各法具備一觀之形勢一覽了然惟原於
 萬福村城牆街要路該不能備詳敘求簡明自應從其開者畢之

順昌縣政府平面圖



縣署面積約五〇八畝

順昌縣第一區縣立真文小學校平面圖




附註

- 一 全校面積三畝五分
- 二 校舍係原有華陽書院修改
- 三 用——線所圍之處係破壞未修
- 四 符號係指洋式教室兩座一座二層者為民國六年


舊建一座一層者為民國二十一年九月間被軍隊駐防毀壞

文廟平面圖



五代殿連坪面積一畝四分
孔廟面積三六一畝

全廟面積二畝一分



順昌縣志卷一

方城

沿革

順昌縣本漢建安縣地唐貞觀三年以將樂東南兩鄉置將水場案貞觀三年置將水場乃封將樂東南二鄉界劃建安東南二鄉開嗣聖四年分南鄉將中沿革表考證甚詳蓋詳志沿革表建安二鄉開嗣聖四年分南鄉將水口為獨科鎮案嗣聖四年即景福二年改為將水鎮尋改永順場建州後唐長興四年王延鈞僭號改元龍啓升福州為長樂府領縣十四是歲以建州永順場為順昌縣後晉開運二年王延政復析出順昌改隸劍州即延平府宋熙寧三年以縣境編小割劍浦縣交溪鄉以益之元清仍舊民國因之八閩通志詳照三山志太平實字記國中沿革表紀元續

按舊志云順昌舊稱漢乾祐元年南唐始置為縣何氏閩書云南唐以永昌場置一云保大六年置順昌縣於建州永昌場按十國春秋

順昌縣志

卷一

方城

閩永隆二年王延政取永平順昌二城是順昌之名似不自南唐始攷宋白續通典云唐景福二年置將水鎮改永順場專立為順昌縣似應以宋白續通典為據是舊志亦不主順昌由南唐始置也惟攷淳熙三山志稱後唐長興四年王延鈞僭號始改永順為順昌縣並不與置永順場同時是順昌之名不始於南唐亦不始於唐乃始於後唐閩中沿革表謂當以三山志為定今從之

疆界

順昌縣在省治西北依民國十七年福建省全圖實測東西廣七十八里南北縱一百零二里舊志作廣九十里袤七十里

從縣治東至南平縣一百二十里以三連鋪三十里為界

從縣治西至邵武縣一百八十里以富屯六十里為界

從縣治南至將樂縣一百里以裏杉鋪三十五里為界

從縣治北至建陽縣二百六十里以角岩一百四十里為界

從縣治西南至將樂縣一百里以扶延山六十里為界

從縣治東北至建陽縣二百六十里以桐墩一百三十里為界

從縣治東南至沙縣一百里以山墟五十里為界

從縣治西北至甌甯一百五十里以東源六十里為界以上參府志

按東源在縣治東北甌甯同府縣志均稱西北似誤

順昌縣志

卷一

方城

星野

舊志云順昌延屬邑延為古閩越地歷代星書皆以斗牛為吳越揚州之分野晉志州郡躔次各言所入度獨於閩越不言閩越與會稽同度則閩越之占固在斗一度也閩於揚為十之一順於閩又百之一安得星次所當屬之處况西儒之言曰古今經緯黃黑皆差或至於前後易次故星紀古為丑官今則進居於子位古人歲差官與星未嘗易也西法中氣過官恆星有歲進之差官無定宿宿則遷居各官所以能較舊法尤見縝密然大地不過象星之一以鏡鏡窺測天象行星之躔既不僅五恆星之宿又何止二十有人悟此則星野之說窮近人論此頗詳第在天成象在地成形撮土微區莫不與天之精氣相屬則亦據拾舊說以存其梗概耳

經緯度

順昌經緯度據民國十七年實測福建省全圖參之教育部審定中華最

順昌縣志

卷一

方城

五

新形勢圖縣治當在東經一百十七度五十七分北緯二十六度四十九分

氣候

順昌之氣候與南平相似據延平舊志云昔人輒謂恆燠少寒究非定論隆冬有雪重裘可御則燠中有寒也然有濃霜而草木或萎或不萎有厚雪而陂塘有冰有不冰則寒中有燠也驗之花卉梅開不必在臘月桃開不必在仲春所謂二十四番花信風幾不可憑至云四時常近夏一雨便成秋此閩粵大概之氣候非延屬之氣候也昨日祈晴今日雨太空亦苦難調停此延屬古時之氣候非今日之氣候也蓋天地氤氳氣化推遷不可以繩尺測如必刻舟求劍未見其有當也

附氣候占驗

順家占驗或有可憑近南平志亦指數今詳之以備參

看年頭三個六

二月驚蟄雷鳴米穀春分有雨病稀雨打驚蟄節下雨不得歇

順昌縣志

卷一

方城

六

三月初一逢風雨瘟疫萬人愁清明南風至晴明大有秋清明要明穀雨要雨穀雨在月中斗種三擔連穀雨在月頭斗種收三頭穀雨在月尾禾苗不結尾

四月立夏夏風病少初八晴明稔多三十四十五無風無雨歌歌小滿又宜下雨酷暑無憂旱禾甲子庚辰雷震連連為災奈何四月十四禾生日下雨綿綿穀須積小滿不滿芒種不管

五月端陽有雨是豐年芒種閩雷美亦然夏至風從西北起瓜蔬園內受熬煎有雨三伏不炎炎喫了五月棕蓆衣方可送

六月若遇初三雨七十二風時六月熱如火人畜田禾好小暑大暑晴人畜自安甯三伏甚酷熱田禾多不結秋收正堪虞三冬多雨雪

七月立秋須雨雷其發不然蟲鼠滿田匝處暑必須晴結實自盈盈八月白露晴涼禾黍穰穰秋分雲多絕好晚禾雷轟電閃米價高奉八月

大率長價

九月初一若飛霜人民產業傷重陽寒露節無雨冬晴光霜降月如火人
人多病殃更遇雷聲震桑葉貴難當不怕重陽雨只怕重陽風重陽若
刮風明年歲不豐九月二十晴柴炭滿街迎

十月立冬怕逢壬高田枉費心更逢壬子日災害損人民小雪須微雨不
早祝昇平

十一月初一西風盜賊多更兼大雪有妖魘冬至天陰無日色來年定唱
太平歌冬至在月中無雪亦有風

十二月初一東風六畜羣空若逢大雪來年水竭得晴一日耕田省力大
寒小寒霜雪堆巖來年田野出水洋洋

四個甲子晴天下大太平春丙陽陽無水下秋夏丙洋洋旱煞禾娘秋丙
陽陽乾晒一倉冬丙陽陽無雪無霜

順昌縣志

卷一 方城

七

順昌縣二十四節氣太陽出入時刻表

北緯二十六度四十九分推其

節氣	日	出	入	節氣	日	出	入
芒種	五	三十三	二七	芒種	五	三十三	二七
小滿	五	二十七	二一	小滿	五	二十七	二一
立夏	五	二十一	十五	立夏	五	二十一	十五
穀雨	五	十五	九	穀雨	五	十五	九
清明	五	九	三	清明	五	九	三
春分	六	二十三	十七	春分	六	二十三	十七
驚蟄	六	十七	十一	驚蟄	六	十七	十一
雨水	六	十一	五	雨水	六	十一	五
立春	六	五	十一	立春	六	五	十一
節氣	日	出	入	節氣	日	出	入
立春	六	五	十一	立春	六	五	十一
雨水	六	十一	五	雨水	六	十一	五
驚蟄	六	十七	十一	驚蟄	六	十七	十一
春分	六	二十三	十七	春分	六	二十三	十七
清明	五	九	三	清明	五	九	三
穀雨	五	十五	九	穀雨	五	十五	九
立夏	五	二十一	十五	立夏	五	二十一	十五
小滿	五	二十七	二一	小滿	五	二十七	二一
芒種	五	三十三	二七	芒種	五	三十三	二七
夏至	五	三十三	二七	夏至	五	三十三	二七
小暑	五	二十九	二三	小暑	五	二十九	二三
大暑	五	二十三	十七	大暑	五	二十三	十七
立秋	五	十七	十一	立秋	五	十七	十一
處暑	五	十一	五	處暑	五	十一	五
白露	五	五	十一	白露	五	五	十一
秋分	五	十一	五	秋分	五	十一	五
寒露	六	十七	十一	寒露	六	十七	十一
霜降	六	二十三	十七	霜降	六	二十三	十七
立冬	六	二十九	二三	立冬	六	二十九	二三
小雪	六	二十五	十九	小雪	六	二十五	十九
大雪	六	十九	十三	大雪	六	十九	十三
冬至	六	十三	七	冬至	六	十三	七
小寒	六	七	十一	小寒	六	七	十一
大寒	六	十一	五	大寒	六	十一	五

順昌縣志

卷一

八

右表係按照西法就民國二十四年分節氣日推算以後
逐年相差不過在秒數之內分以上無異也較之中法祇
用地支似更準確